

Ibitabo byakoreshejwe mu Gatabo k'Iteraniro ry'Umurimo

2-8 MATA

UBUTUNZI BWO MU IJAMBO RY'IMANA | MATAYO 26

"Icyo Pasika n'Urwibutso bihuriyeho n'icyo bitandukaniyeho"

(Matayo 26:17-20)

nwtsty, amafoto

Ifunguro rya Pasika

Ibantu bitaburaga ku ifunguro rya Pasika ni: umwana w'intama wokeje (nta gufwa ry'iryo tungo ryagombaga kuvunwa) (1); imigati idasembuwe (2); n'imboga zisharira (3) (Kv 12:5, 8; Kb 9:11). Izo mboga zisharira zubitsaga Abisirayeli ko bigeze kuba abacakara muri Egiputa. Yesu yakoresheje umugati udasembuwe, awugereranya n'umubiri we utunganye (Mt 26:26). Nanone, intumwa Pawulo yavuze ko Yesu ari we "pasika yacu" (1Kr 5:7). Mu kinyejana cya mberre, divayi (4) na yo yakoreshwaga mu ifunguro rya Pasika. Yesu yakoresheje divayi igereranya amaraso ye yagombaga kumenwa, kugira ngoabantu bababarirwe ibyaha.—Mt 26:27, 28.

(Matayo 26:26)

nwtsty, ibisobanuro, Mt 26:26

ugereranya: Ijambo ry'Ikigiriki e-stin' (risobanura "ni") aha ryumvikanisha igitekerezo cya "usobanura; uhagarariye." Intumwa zahise zumva icyo iryo jambo risobanura kuko icyo gihe umubiri utunganye wa Yesu wari imbere yabo kandi n'uwo mugati udasembuwe bari bagiye kurya na wo wari imbere yabo. Ubwo rero, uwo mugati ntiwashoboraga kuba umubiri nyamubiri wa Yesu. Birashishikaje kuba iryo jambo ry'Ikigiriki ryarakoreshejwe muri Mt 12:7, kandi abahinduzi benshi ba Bibiliya bakaba bararihinduyemo "asobanura."

(Matayo 26:27, 28)

nwtsty, ibisobanuro, Mt 26:28

amaraso y'isezerano: Isezerano rishya Yehova yagiranye n'Abakristo basutsweho umwuka ryagine agaciro bitewe n'igitambo cya Yesu (Hb 8:10). Aha Yesu yakoresheje ijambo nk'iryo Mose yakoresheje igihe yabaga umuhuza w'isezerano ry'Amategeko Imana yagiranye n'Abisirayeli ku musozi wa Sinayi (Kv 24:8; Hb 9:19-21). Nk'uko amaraso y'ibimasa n'ay'ihene yatumye isezerano ry'Amategeko Imana yagiranye n'ishyanga ry'Abisirayeli rigira agaciro, ni na ko amaraso ya Yesu yatumye isezerano rishya Yehova yagiranye n'Abisirayeli bo mu buryo bw'umwuka rigira agaciro. Iryo sezerano ryatangiye gukurikizwa kuri Pentekoti yo mu mwaka wa 33.—Hb 9:14, 15.

Gucukumbura ibantu by'agaciro

byo mu Ijambo ry'Imana

(Matayo 26:17)

nwtsty, ibisobanuro, Mt 26:17

Ku munsi wa mbere w'imigati idasembuwe: Umunsi mukuru w'imigati idasembuwe watanngiraga ku itariki ya 15 Nisani, nyuma ya Pasika yabaga ku itariki ya 14 Nisani, kandi wamaraga iminsi irindwi. (Reba n'Imfashanyigisho y'Ijambo ry'Imana umugereka wa 19.) Icyakora mu gihe cya Yesu, Pasika yari yarakomatanyijwe n'uwo munsi mukuru, ku buryo hari igihe iminsi umunani, hakubiyemo n'itariki ya 14 Nisani, yitwaga "umunsi mukuru w'imigati idasembuwe" (Lk 22:1). Muri uyu murongo, iyo nteruro ngo: "Ku munsi wa mbere" ishobora nanone guhindurwa ngo: "umunsi umwe mbere ya." (Gereranya no muri Yh 1:15, 30. Muri iyo mirongo ijambo ry'Ikigiriki [pro'tos] ubusanze risobanurwa ngo: "Ikintu cya mbere," ryahinduwemo "mbere" mu nteruro ivuga ngo: "Yabayeho mbere [pro'tos] yanje.") Ubwo rero Ikigiriki cy'umwimerere hamwe n'imigenzo y'Abayahudi, bituma twumva ko abigishwa babajije Yesu icyo kibazo ku itariki ya 13 Nisani. Abigishwa bateguye ibya Pasika ku itariki ya 13 Nisani ku manywa, hanyuma

bayizihiza “bugorobye,” itariki ya 14 Nisani itangi-ye.—Mr 14:16, 17.

(Matayo 26:39)

nwtsty, ibisobanuro, Mt 26:39

iki gikombe kindenge: Muri Bibiliya ijambo “igi-kombe” akensi riba rigereranya ibyo Imana ishaka, cyangwa “umugabane” wagenewe umuntu. (Reba ibisobanuro, Mt 20:22.) Yesu yari ahangayikishije n’uko yari agiye kwicwa ashinjwa gutuka Imana no kugandisha abaturage kandi bikaba byari gushyira umugayo ku izina ry’Imana. Ni yo mpamu yasenze asaba ko icyo “gikombe” kimurenga.

Gusoma Bibiliya

(Matayo 26:1-19)

9-15 MATA

UBUTUNZI BWO MU IJAMBO RY'IMANA | MATAYO 27-28

“Nimugende muhindure abantu abigishwa”

(Matayo 28:18)

w04 1/7 8 par. 4

‘Mugende muhindure abantu abigishwa’

⁴ Yesu ni we uyobora itorero rye, kandi kuva mu wa 1914, yabaye umwami w’Ubwami bw’Imana bwari bumaze gushyirwaho (Abakolosayi 1:13; Ibyahishuwe 11:15). Ni we mukuru w’abamarayika, bityo akaba ayobora ingabo zo mu ijuru zigizwe n’abamarayika babarirwa mu mamiriyoni amagana (1 Abatesalonike 4:16; 1 Petero 3:22; Ibyahishuwe 19:14-16). Se yamwemereye kuzarimbura “ingoma zose n’ubutware bwose n’imbaraga zose” zirwanya amahame ye akiranuka (1 Abakorinto 15:24-26; Abefeso 1:20-23). Ubutware bwa Yesu ntibugarukira gusa ku bazima. Ni na we “mucamanza w’abazima n’u-w’abapfuye” kandi afite ububasha Imana yamuhaye bwo kuzura abasinziriye mu rupfu (Ibyakozwe 10:42; Yohana 5:26-28). Nta gushidikanya, itegeko ryatanzwe n’Umuntu wahawebutware buhambaye nk’ubwo ryagombye gu-

fatanwa uburemere cyane. Ku bw’ibyo rero, twumvira kandi twemera mu buryo burangwa no kubaha itegeko ibyo Kristo ryo ‘kugenda tugahindura abantu abigishwa.’

(Matayo 28:19)

nwtsty, ibisobanuro, Mt 28:19

muhindure abigishwa: Inshinga y’Ikigiriki ma-the-teu’o ishobora guhindurwamo “kwigisha” ugamiye guhindura abantu abigishwa. (Gereranya n’uko yakoreshejwe muri Mt 13:52, aho yahinduwemo “yigishijwe.”) Inshinga “kubatiza” no “kwigisha” zigaragaza ibikubiye muri iryo tegeko ryo ‘guhindura abantu abigishwa.’

mu bantu bo mu mahanga yose: Mu Kigiriki ni “amahanga yose;” ariko imirongo ikikije uwo yumvikanisha ko ari abantu bo mu mahanga yose kubera ko ikinyazina k’Ikigiriki cyakoreshejwe muri iyo mvugo ngo: **“Mubabatiza”** kerekeza ku bantu, aho kwerekeza ku “mahanga.” Iryo tegeko ryo kubwiriza ‘abantu bo mu mahanga yose’ ryari rishya. Mbere y’uko Yesu atangira umurimo we hano ku isi, Ibyanditswe bigaragaza ko Abanyamahanga bakirwaga muri Isirayeli iyo babaga baje gukorera Yehova (1Bm 8:41-43). Ariko muri iryo tegeko, Yesu yasabye abigishwa be kwagura umurimo wo kubwiriza, bakabwiriza n’abandi batari Abayahudi kavukire. Bityo rero, yagaragaje ko Abakristo bagombaga kugera ku isi hose bahindura abantu abigishwa.—Mt 10:1, 5-7; Ibh 7:9; reba ibisobanuro, Mt 24:14.

(Matayo 28:20)

nwtsty, ibisobanuro, Mt 28:20

mubigisha: Ijambo ry’Ikigiriki ryahinduwemo “kwigisha” ryumvikanisha gutanga amabwiriza, gusobanura, gutanga ingingo zemeza n’ibimenyetso. (Reba ibisobanuro, Mt 3:1; 4:23.) Kwigisha abantu **gukurikiza ibyo Yesu yategetse byose** byari kuba ari igikorwa gikomeza, gikubiyemo kubigisha ibyo Yesu yigishije, kubikurikiza no gukurikiza urugero rwe.—Yh 13:17; Ef 4:21; 1Pt 2:21.

Gucukumbura ibantu by'agaciro

byo mu Ijambo ry'lmana

(Matayo 27:51)

nwtsty, ibisobanuro, Mt 27:51

umwenda: Ni umwenda mwiza wari ufumyeho imitako watandukanya Ahera Cyane n'Ahera mu rusengero. Inkuru z'Abayahudi zivuga ko uwo mwenda wari ufite uburebure bwa metero 18, ubugari bwa metero 9 n'umubyimba wa sentimetero 7,4. Igihe Yehova yataburaga uwo mwenda mo kabiri, yagaragaje ko arakariye abishe Umwana we. Nanone byasobanuraga ko noneho abantu bashoboraga kujya mu ijuru.—Hb 10:19, 20.

ahera: Ijambo ry'lkigiriki na·os' ryakoreshejwe hano ryerekeza ku nyubako yo hagati yari irimo Ahera n'Ahera Cyane.

(Matayo 28:7)

nwtsty, ibisobanuro, Mt 28:7

mujye kubwira abigishwa be ko yazuwe: Abo bagore ni bo ba mbere bamenyeshejwe ko Yesu yazutse kandi ni na bo bahawe inshingano yo kubimenyesha abandi bigishwa (Mt 28:2, 5, 7). Imigenzo y'Abayahudi idashingiye ku Byanditswe igaragaza ko ubuhamya bw'umugore butemerwaga mu rukiko. Arikko umumarayika wa Yehova yubashye abo bagore, abaha inshingano ishimishije.

Gusoma Bibiliya

(Matayo 27:38-54)

16-22 MATA

UBUTUNZI BWO MU IJAMBO RY'IMANA | MARIKO 1-2

"Ibyaha byawe urabibabariwe"

(Mariko 2:3-5)

jy 67 par. 3-5

"Ibyaha byawe urabibabariwe"

Igihe Yesu yigishirizaga mu cyumba cyarimo abantu benshi, abagabo bane bazanye umuntu waremaye bamuhetse mu ngobyi. Bifuzaga ko Yesu akiza iyo nshuti yabo, ariko kubera ko hari abantu benshi, ntibashoboraga 'kumuuyjana ngo bamugeze aho Yesu yari ari' (Mariko 2:4). Gerageza kwiyumvisha ukuntu bumvise bashobewe. Buriye inzu bajya hejuru y'igisenge, bakuraho amategura, hanyuma bamanura ya ngobyi yari irimo wa muntu wamugaye.

Mbese Yesu yaba yarakajwe n'uko bari bamurogoye? Oya rwose! Ahubwo, yatangajwe cyane n'ukwizera kwabo maze abwira uwo muntu wamugaye ati "ibyaha byawe urabibabariwe" (Matayo 9:2). Arikko se koko Yesu ashobora kubabarira abantu ibyaha? Abanditsi n'Abafarisayo babigize ikibazo kirekire, baratekereza bat "kuki uyu muntu avuze atya? Aratuka Imana. Ni nde wundi ushobora kubabarira abantu ibyaha, uretse Imana yonyine?"—Mariko 2:7.

Yesu yamenye ibyo batekerezaga, arababwira ati "kuki mutekereza ibantu nk'ibyo mu mitima yanyu? None se ari ukubwira iki kirema ngo 'ibyaha byawe urabibabariwe,' cyangwa ngo 'haguruka wikorere ingobi yawe ugende,' icyoroshye ni ikihe" (Mariko 2:8, 9)? Koko rero, Yesu yashoboraga kubabarira uwo mugabo ibyaha bye, ashingiye ku gitambo yari kuzatanga.

(Mariko 2:6-12)

nwtsty, ibisobanuro, Mr 2:9

icyoroshye ni ikihe?: Bivoroshye ko umuntu yavuga ko ashobora kubabarira ibyaha kuko nta bimenyetso bigaragara byakwemeza ko ashobora gukora ibyo avuga. Arikko kubwira umuntu wamugaye uti: "**Haguruka . . . ugende**" byo byasabaga gukora igitangaza kigaragariza bose ko Yesu yari afite ububasha bwo kubabarira ibyaha. Iyi nkuru hamwe n'amagambo yo muri Ye 33:24 bigaragaza ko indwara tuziterwa n'uko twarazwe icyaha.

Gucukumbura ibantu by'agaciro

byo mu Ijambo ry'Imana

(Mariko 1:11)

nwtsty, ibisobanuro, Mr 1:11

mu ijuru havugira ijwi: lyi ni yo nshuro ya mberere mu nshuro eshatu zivugwa mu mavanjiri, aho Yehova ubwe yavuganye n'abantu.—Reba ibisobanuro, Mr 9:7; Yh 12:28.

uri umwana wanje: Igihe Yesu yari ikiremwa cy'umwuka, yari Umwana w'Imana (Yh 3:16). Igihe yavukiraga hano ku isi ari umuntu, yari "umwana w'Imana" nk'uko byari bimeze kuri Adamu agitunganye (Lk 1:35; 3:38). Icyakora, bishyize mu gaciro gutekereza ko ayo magambo y'Imana atagaragaza gusa uwo Yesu ari we. Igihe Imana yavugaga ayo magambo ikagerekaho no kumusukaho umwuka wera, yari igaragaje ko Yesu abaye Umwana wayo w'umwuka, ko 'yongeye kubyarwa' akagira ibyiringiro byo kongera kuba mu ijuru, agasukwaho umwuka kugira ngo abe Umwami n'Umutambyi Mukuru washyizweho n'Imana.—Gereranya na Yh 3:3-6; 6:51; Lk 1:31-33; Hb 2:17; 5:1, 4-10; 7:1-3.

ndakwemera: Cyangwa "uranshimisha; ndakwishimira cyane." lyo mvugo nanone yakoreshejwe muri Mt 12:18, ikaba yaravanywe muri Ye 42:1 yerekeza kuri Mesiya wasezeranyijwe cyangwa Kristo. Igihe Imana yabwiraga ayo magambo Umwana wayo kandi ikamusukaho umwuka wera, byagaragaje mu buryo budasubirwaho ko Yesu ari we Mesiya wasezeranyijwe.—Reba ibisobanuro, Mt 3:17; 12:18.

(Mariko 2:27, 28)

nwtsty, ibisobanuro, Mr 2:28

Umwami w'isabato: Yesu yiyekejeho ayo magambo (Mt 12:8; Lu 6:5), agaragaza ko yari afite ububasha bwo gukora umurimo yahawen Se ku Isabato. (Gereranya na Yh 5:19; 10:37, 38.) Bimwe mu bitangaza bikomeye Yesu yakoze, harimo n'icyo gukiza abarwayi, yabikoko

ze ku Isabato (Lk 13:10-13; Yh 5:5-9; 9:1-14). Ibyo byagaragazaga ukuntu mu gihe cy'Ubwami bwe, kigereranywa n'ikiruhuko k'isabato, azaru hura abantu.—Hb 10:1.

Gusoma Bibiliya

(Mariko 1:1-15)

23-29 MATA

UBUTUNZI BWO MU IJAMBO RY'IMANA | MARIKO 3-4

"Gukiza umuntu ku Isabato"

(Mariko 3:1, 2)

jy 78 par. 1-2

Ni ibihe bintu byemewe n'amategeko ku Isabato?

Ku yindi Sabato, Yesu yagiye mu isinagogi ishobora kuba ari iyo muri Galilaya, ahasanga umuntu wari waranyunyutse ukuboko kw'iburyo (Luka 6:6). Icyo gihe abanditsi n'Abaferisayo bari bamuhanze amaso cyane. Kubera iki? Bahishuye icyo bari bagamije igihe babazaga Yesu bat "mbese gukiza ku isabato byemewe n'amategeko?"—Matayo 12:10.

Abayobozi b'idini ry'Abayahudi batekerezaga ko gukiza umuntu ku Isabato byari byemewe n'amategeko mu gihe *gusa* ubuzima bwabaga buri mu kaga. Urugero, bigishaga ko kunga igufwa cyangwa imvune ku Isabato bitari byemewe kuko ibyo bitakwica umuntu. Uko bigaragara rero, abanditsi n'Abaferisayo ntibabajije Yesu icyo kibazo bitewe n'uko bari bahangayikiye by'ukuri uwo muntu wari ubabaye. Ahubwo bashakishaga impamu kuri Yesu kugira ngo babone ibyo bamurega.

(Mariko 3:3, 4)

jy 78 par. 3

Ni ibihe bintu byemewe n'amategeko ku Isabato?

Ariko kandi, Yesu yari azi ibitekerezo byabo bikocamye. Yabonye ko bakabyaga mu bihe-

reranye n'uko babonaga ibyo kwica itegeko ryabuzanyaga kugira icyo umuntu akora ku munsi w'lsabato, kandi bakabibona mu buryo budahuje n'lbyanditswe (Kuva 20:8-10). Hari n'ikindi gihe bari barigeze kunenga Yesu nta mpamvu bamuhora imirimo ye myiza, ariko icyo gihe bwo yari agiye gukora igikorwa cyari kuba imbarutso yo guhangana gukomeye. Yabwiyé uwo muntu wari waranyunyutse ukuboko ati "haguruka uze hano hagati."—Mariko 3:3.

(Mariko 3:5)

nwtsty, ibisobanuro, Mr 3:5

abarakariye kandi ababaye cyane: Mariko ni we wenyine wanditse uko Yesu yumvise ameze igihe yabonaga ukuntu imitima y'abayobozi b'amadini **yinangiyé** (Mt 12:13; Lk 6:10). Petero na we wagiraga ibiyumvo cyane, ashobora kuba ari we wasobanuye ukuntu ibyo bintu byarakaje Yesu.—Reba videwo ivuga ku gitabo cya Mariko.

**Gucukumbura ibantu by'agaciro
byo mu ljambo ry'lmana**

(Mariko 3:29)

nwtsty, ibisobanuro, Mr 3:29

utuka umwuka wera: Gutuka Imana ni ukuyivugaho amagambo mabi yo kuyisebya cyangwa gusebya ibantu byera. Kubera ko **umwuka wera** uturuka ku Mana, kuwurwanya ubigambiriye cyangwa guhakana imikorere yawo ni ugutuka Imana. Nk'uko bivugwa muri Mt 12:24, 28 no muri Mr 3:22, abayobozi b'idini ry'Abayahudi biboneye ukuntu umwuka w'lmana wakareraga muri Yesu igihe yakoraga ibitangaza, ariko bavuga ko Satani ari we wamuhaga imbaraga.

aba akoze icyaha cy'iteka ryose: Byerekeza ku cyaha umuntu akoze yabigambiriye, kizamugiraho ingaruka z'iteka ryose. Nta gitambo gishobora gutwikira icyo cyaha.—Reba ibisobanuro bivuga **utuka umwuka wera** muri uyu murongo n'ibisobanuro by'inkuru isa n'iyi muri Mt 12:31.

(Mariko 4:26-29)

w14 15/12 12-13 par. 6-8

Ese 'usobanukirwa neza' Ibyanditswe?

6 Ni iki uwo mugani utwigisha? Icy a mbere, tugomba kubanza kumenya ko tudashobora kwihutisha imikurile yo mu buryo bw'umwuka y'umuntu wiga Bibiliya. Kwiyorosha bizadufasha kwirinda guhatira umuntu twigisha Bibiliya kubatizwa. Dukora ibyo dushoboye byose kugira ngo dufashe uwo muntu kandi tumushyigikire, ariko twemera twicishije bugufi ko umwanzuro wo kwiyegurira Yehova ufatwa na we ubwe. Kwiyegurira Imana ni ikintu umuntu agomba gukora abikuye ku mutima, bitewe n'urukundo ayikunda. Bitabaye ibyo, Yehova ntiyabyemera.—Zab 51:12; 54:6; 110:3.

7 Icy a kabiri, gusobanukirwa isomo riri muri uwo mugani bizadufasha kudacika intege mu gihe tubona umurimo wacu usa n'aho utagira icyo usheraho. Tugomba kwihangana (Yak 5:7, 8). Nubwo imbuto zitakwera, iyo twakoze ibishoboka byose kugira ngo dufashe umuntu twigisha Bibiliya, ntitwumva ko twamwigishije nabi. Yehova atuma imbuto z'ukuri zera mu mitima yicisha bugufi yonyine, ni ukuvuga imitima yiteguye guhinduka (Mat 13:23). Ku bw'ibyo, ibyo tugeraho mu murimo si byo byonyine bigaragaza ko tuwukora neza. Mu maso ya Yehova, kugira icyo tugeraho mu murimo ntibishingira ku kuntu abo twigisha Bibiliya babyitabira. Ahubwo aha agaciro kenshi imihati dukomeza gushyiraho atitaye ku byo tugeraho.—**Soma muri Luka 10:17-20; 1 Abakorinto 3:8.**

8 Icy gatatu, buri gihe si ko tubona uko umuntu agenda ahinduka. Urugero, umugabo n'umugore we bari bamaze igihe bigishwa Bibiliya n'umumisyonari, baramwegereye bamubwira ko bifuzaga kuba ababwiriza. Yabibukije ko kugira ngo buuze ibisabwa bagombaga kureka kunywa itabi. Yatangajwe cyane n'uko bamubwiyé ko bari bamaze amezi runaka barariretse. Kuki bari barariretse? Bari baramenye ko Yehova yababonaga banywa itabi kandi ko

yanga uburyarya. Ku bw'ibyo, bafashe umwanzuro w'uko bazajya barinya uwo mumisiyonari abareba, bitaba ibyo bakarireka burundi. Urukundo bari basigaye bakunda Yehova rwatumye bafata umwanzuro ukwiriye. Bari barakuze mu buryo bw'umwuka nubwo uwo mumisiyonari atari azi ko bahindutse.

Gusoma Bibiliya

(Mariko 3:1-19a)

30 MATA-6 GICURASI

UBUTUNZI BWO MU IJAMBO RY'IMANA | MARIKO 5-6

“Yesu afite ububasha bwo kuzura abacu bapfuye”

(Mariko 5:38)

(Mariko 5:39-41)

nwtsty, ibisobanuro, Mr 5:39

Ntabwo . . . yapfuye ahubwo arasinziriye: Muri Bibiliya, gupfa bigereranywa no gusinzira (Zb 13:3; Yh 11:11-14; Ibk 7:60; 1Kr 7:39; 15:51; 1Ts 4:13). Yesu yari agiye kuzura uwo mwana w'u-mukobwa. Ashobora kuba yaravuze atyo kuko yari agiye kugaragaza ko abapfuye bashobora kuzuka, nk'uko abantu basinziriye bashobora gu-kangurwa bakava mu bitotsi. Ububasha Yesu yari afite bwo kuzura uwo mukobwa yabuhawe na Se, we ‘utuma abapfuye baba bazima, kandi ibintu bitariho akabivuga nk'aho biriho.’—Rm 4:17.

(Mariko 5:42)

jy 118 par. 6

Akana k'agakobwa kongera kuba kazima!

Abantu Yesu yari yarakijije mbere yaho, yabasa-baga kutagira uwo babwira ibyo yabaga yabakoreye, kandi n'abo babyeyi yabihamangirije kutagira uwo babibwira. Icyakora abo babyeyi bari basabwe n'ibyishimo hamwe n'abandi bantu bakwirakwije iyo nkuru “muri ako karere kose” (Matayo 9:26). Ese wowe iyo uza kubona umuntu wakundaga azutse, ntiwari kuvuga iyo nkuru wi-

shimye cyane? Icyo gihe bwari ubwa kabiri Yesu azura umuntu.

Gucukumbura ibintu by'agaciro

byo mu Ijambo ry'Imana

(Mariko 5:19, 20)

nwtsty, ibisobanuro, Mr 5:19

ubabwire: Ubusanzwe Yesu yabuzaga abantu kuvuga ibitangaza yakoze (Mr 1:44; 3:12; 7:36). Ariko ubu bwo yasabye uwo mugabo kubwira bene wabo ibyari byabaye. Ibyo bishobora kuba byaratewe n'uko Yesu yari yategetswe kuva muri ako karere, ku buryo we ubwe atari kubona uko ababwiriza. Nanone byari guceckesha inkuru zitari zo zashoboraga gucicikana kubera za ngurube zari zapfuye.

(Mariko 6:11)

nwtsty, ibisobanuro, Mr 6:11

muzakunkumure umukungugu wo mu birenge byanyu: Icyo gikorwa cyagaragazaga ko abigishwa barangije uruhare rwabo, bityo Imana ntizababaze iby'abo bantu banze kumva. Imvugo nk'io iboneka muri Mt 10:14; Lk 9:5. Mariko na Luka bongeyemo imvugo igira iti: **“Bibabere ubuhamya bubashinja.”** Pawulo na Barinaba bakurikije iyo nama igihe bari muri Antiokiya y'i Pisidiya (Ibk 13:51). Igihe Pawulo yakoraga ibintu nk'ibyo i Korinto agakunkumura imyenda ye, yasobanuye igikorwa yari akoze agira ati: “Amaraso yanyu abe ku mitwe yanyu. Ndi umweref” (Ibk 18:6). Birashoboka ko abigishwa bari basanzwe bamenyereye ibyo bikorwa, kuko iyo Abayahudi bari bakomeye ku migenzo y'idini bajyaga mu gihugu cy'Abanya-mahanga, bakunkumuraga umukungugu wo ku nkwegeto zabo mbere yo kugaruka mu gihugu cyabo kuko babonaga ko uwo mukungugu uhunanye. Icyakora igihe Yesu yahaga abigishwa be ayo mabwiriza, si icyo yashakaga kuvuga.

Gusoma Bibiliya

(Mariko 6:1-13)

